

一本堂行餘醫言

卷之三  
疝

✕  
i 99



一本堂行餘醫言卷之三

平安香川修德太沖父著

疝所易切  
音訕

疝即聚又即瘕

附陰癰 脂腳

疝者鬱氣之凝滯而為痛者也。多在少腹。或上逆而奔突  
急痛。或四方走注為痛。或自臍下升奔衝心而痛。或下控  
陰囊為痛。或引背脊。或牽脇肋。或縮小便。或秘大便。或不  
得前後。或大便忽瀉忽秘。或為久泄。或為久秘。或控引罩  
丸入腹。則痛不可忍。或腹皮急。或腹筋急。或脈張筋怒。如

490.9

Ip-2  
3

No. 2195

12 198



富士川書庫

1371



有形或腹中雷鳴。裡急非必瀉。或腹中有聲如蛙。或腰痛不可俯仰。或引腿膝不得屈伸。或惡寒發熱甚則戰慄鼓額。壯熱譫語至痛之劇。則如切如裂如刺如絞。壯夫號咷欲絕。或手足厥冷。冷汗如流。或繞臍而痛。或自汗出。或臍上下凝如臂。即痙也。或飲食不為肌膚。羸瘦少氣。或腹滿嘔吐。不得飲食。種種證候。千狀萬態。不可說盡。又有遂成滯患。或歲一二發。或月二三發者。發則臍腹大痛。寒戰壯熱。煩悶大汗。陣陣作止。大憊而醒。若有內虛而發。則終

致不起。而及其淫溢。則成遺精。或久瀉成腹滿。或虛勞成癰閉。或燥結成胃反。其變至多。不可悉述。猶癰之成暴動。成空氣。成痰液也。

暴動者。欬嗽也。嘔吐也。喘哮也。噦也。

空氣者。噫也。噦也。屁也。欠也。鼓脹也。腸鳴也。

痰液者。痰也。酸苦清水涎唾也。瀉也。水脹也。帶下也。

蓋痼之凝結也。亦猶癰之漸積。累空氣一滯。則其隙踣之地位。終難可充實。故俗語云。痼不可根治。唯以調停溫



養使不發為上策耳。察其所發多因過食。或喫生冷硬物。油膩厚味。炒炙芳香之物。或飲酒大醉。或房室過度。間由世變人情。大怒深憂。而發者有之。若能節慎。可免數發。疝名亦甚濫。略舉于下。

疝。

出素問。長刺節論云。病在少腹。腹痛。不得大小便。病名曰疝。又見大奇論。至真要大論。五藏生成論等。

疝氣。

出靈樞。

邪氣藏府病形篇。又見神農本草。五加皮條。又見海藻條。甄權。

卒疝。

同上。

經脉篇云。氣逆則羣腫卒疝。實則挺長。虛則暴癢。又見素問。繆刺論。外臺秘要。所引集驗方。已下同。

厥疝。

出素問。

五藏生成論云。有積氣在腹中。有厥氣。名曰厥疝。女子同法。病源候論云。厥逆心痛。足寒。諸飲。

食吐不下。名曰厥疝。

衝疝。

同上。

骨空論云。此生病從小腹上。衝心而痛。不得前後為衝疝。

狐疝。

于余醫言。

疝。

三。

一本堂藏書

出靈樞

本藏篇云腎下則腰尻痛不可以俛仰為狐疝又見經脈篇五色篇又千金方云小兒狐疝傷

損生癰此言狐本陰怪獸故謂陰疝異常證狀為狐疝也猶張機言狐惑證也而至儒門事親乃云狐疝其狀如瓦卧則入少腹行立則出少腹入囊中狐則畫出穴而溺夜則入穴而不溺此疝出入上下往來正與狐相類也亦與氣疝大同小異今人帶鉤鈴是也此鑿說之最僻者也蓋就狐字致種種憶想杜撰何足取乎又醫學綱目云狐夜伏而晝見以疝處厥陰之分即人之陰篡隱奧之所晝下而夜上故以狐疝名焉此亦自張之說轉些

○素問又稱狐疝風

四時刺逆從論

心疝

同上

邪氣藏府病形篇云心疝引臍小腹鳴熱病篇云心疝暴痛又素問脈要精微論云心疝少腹當有

形也又見太奇論又見肘後方病源候論云由陰氣積於內寒氣不散上衝於心故使心痛謂之心疝也其痛也或如錐刀所刺或陰陰而疼或四支逆冷或脣口變青又外臺秘要所引范注方稱三十年心疝

肺疝

出素問

太奇論

肺風疝脾風疝心風疝腎風疝肝風疝

同上

四時刺逆從論

疝瘕

出素問

平人氣象論云疝瘕少腹痛玉機真藏論云脾傳之腎病名曰疝瘕少腹冤熱而痛出白一名

疝瘕

疝

四

一本堂藏書



曰蠱神農本艸稱疝瘕者十餘條而稱婦人疝瘕者三條病源候論云其病雖有結瘕而虛假可推移故謂之疝瘕腹內急痛腰背相引痛亦引小腹痛又出甲乙經

七疝

同上骨空論云任脉為病男子內結七疝女子帶下瘕聚八十一難云任之為病其內苦結男子為七疝女子為瘕聚並無名目至病源候論云厥疝瘕疝寒疝氣疝盤疝肘疝狼疝此名七疝也厥逆心病足寒諸飲食吐不下名曰厥疝也腹中氣乍滿心下盡痛氣積如臂名曰瘕疝也寒飲食即脇下腹中盡痛名曰寒疝也腹中乍滿乍減而痛名曰氣疝也腹中痛在臍旁名曰盤疝也腹中臍下有積聚名曰肘疝也小腹與陰相引而痛大便難名曰狼疝也按外臺秘要所引文仲七疝九條云暴心腹厥逆不得氣息痛連背脊名曰尸疝心

下堅痛不可手近名曰石疝臍下堅痛得寒冷食輒劇名曰寒疝脇下堅痛大如手痛時出見若不痛不見名曰盤疝臍下結痛女人月事不時名曰血疝少腹脹滿引脇脹急痛名曰脉疝此只六種而闕一種至張從政又別易名目云寒疝水疝筋疝血疝氣疝狐疝癰疝是謂七疝寒疝其狀囊冷結硬如石陰莖不舉或控辜丸而痛水疝其狀腎囊腫痛陰汗時出或囊腫而狀如水晶或囊痒而燥出黃水或少腹中按之作水聲寒濕之氣聚於囊中故水多令人為卒疝筋疝其狀陰莖腫脹或潰或膿或痛而裏急筋縮或莖中痛痛極則痒或挺縱不收或白物如精隨洩而下血疝其狀如黃瓜在少腹兩旁橫骨兩端約中俗云便癰氣血流溢滲入疝囊留而不去結成癰腫氣疝其狀上連腎區下及陰囊或因啼哭忿怒則氣鬱之而脹怒哭罷則氣散者是也小兒亦有此疾俗曰偏氣狐疝其狀如瓦卧則入小腹行立則出小腹入囊中狐則晝出穴而溺夜則入穴而



不溺此疝出入上下往來正與狐相類也亦與氣疝大同小異今人帶鉤鈴是也癰疝其狀陰囊腫綻如升如斗不痒不痛者是也女子陰戶突出雖亦此類乃熱則不禁固也此說大鑒固不足取且其解筋疝血疝者元非疝證不可感張之妄談誤認疝證也

牡疝湧疝氣疝

出史記淳于意傳

寒疝

見金匱方論及甲乙經病源候論已下皆同儒門事親云寒疝亦

名水疝非也

小兒寒疝

見本艸綱目梨葉條又棟條云小兒冷疝

飢疝

出病源候論肘後方云飢而心痛名曰飢疝

五疝

同上一曰石疝二曰血疝三曰陰疝四曰妒疝五曰氣疝是為五疝也而范汪所錄華佗太一決疑雙丸方云治八否五疝積聚伏熱留飲往來寒熱而不可顯五疝

行餘醫言 疝

六

一本堂藏書

之狀

臍下疝。臍疝大疝。

並見甲乙經。

心腹疝。

見外臺秘要所引古今錄驗療久寒三十歲心腹疝癥

瘕積聚。

瘕疝。

見醫宗必讀。

積疝。

見丹溪心法附餘。

勞疝。

見丹臺玉案。

腎疝。肝疝。脾疝。

並見玉機微義引脉經。

小腸疝。濕疝。熱疝。

見景岳全書。

古今醫統稱腸疝。○衛生易簡方云。小腸疝氣偏墜陰腫。

予余醫言

疝

七

不館醫書



濕熱疝虛疝

見明醫指掌圖

暴疝

見儒門事親

橫弦豎弦

三因方云疝之為病絞刺擊搏无有定處倉卒之際痛

不堪忍世人稱為橫弦豎弦此即膀胱小腸氣賊風入

腹等名義不同證狀則一證治要訣云少腸氣即是疝氣今謂之橫弦豎弦

腎氣

出仁齋直指

釣腎氣

見醫林集要

腎氣疝實疝

並見醫學綱目

七情疝痰疝

見醫學入門

千餘醫言

疝

八

一本堂藏書

腫疝

見醫學正傳

小腸膀胱氣

此元出神農本草

烏韭條云利小腸膀胱氣又名醫別錄屋港條亦同其他不多見

未

詳其疝否後世別稱膀胱氣

本事方儒門事親三因方又證類本草胡蘆巴條

小腸氣

本事方玉機微義又本草綱目馬鞭草條引纂要奇方云婦人疝痛名小腸氣非也衛生易簡

方作小腸氣痛

蟠腸氣木腎偏墜

見丹溪心法附餘又醫林集要等作盤腸

盤腸氣

出萬病回春

云腸中走氣作聲或痛者是盤腸氣也小腹陰囊手按作響聲痛者是膀胱氣也小

腸臍傍一梗升上釣痛者是小腸氣也小腹下注上奔心腹急痛者是腎氣也陰子偏大偏小者是偏墜也陰

子雖硬大而不痛者是木腎氣也又云偏墜氣又云氣胞木腎水胞偏墜

腎餘陰腫

古今醫統云世俗呼為小腸氣膀胱氣奔豚氣蟠腸氣

橫弦豎弦偏墜木腎腎餘陰腫

腎餘疝氣見醫學綱目

于余醫言

疝

九

一本堂藏書



[illegible]

見外臺秘要所引文仲方云寒疝亦名陰疝又見肘後方又證治

準繩云陰疔  
一名癰疔  
○名醫別錄地腠條云女子陰疔

陰狐疝氣

金匱方論云陰狐疝氣者偏有大小時時上下

陰疝癖。

見本艸綱目  
陳藏器

木疔

秘方集驗云木疝即木腎

癩 疔 癩 癰 疔

出素

至真要大論云丈夫癰疽婦人小腹痛脉解篇  
同痛作腫又稱癰瘰癧陰陽別論云癰疽小腹復

控<sub>ラ</sub>蹻<sub>ニ</sub>而痛也、又靈樞經<sub>ニ</sub>脉篇<sub>ニ</sub>同、癰<sub>ニ</sub>作<sub>ラ</sub>瘡<sub>ニ</sub>痛<sub>ニ</sub>作<sub>ラ</sub>腫<sub>ニ</sub>、經筋篇<sub>ニ</sub>云、瘡<sub>ニ</sub>疔<sub>ニ</sub>腹筋<sub>ニ</sub>急<sub>ニ</sub>、

腸癰內癰癰癰癰癰癰陰

並見靈樞

邪氣藏府病形篇  
癘陰見五色篇

陰癰。

千金方云癰有四種有腸癰卵脹氣癰水癰

醫學入門  
稱卵癩又

卵癰水癰本  
出肘後方

陰癰氣癰氣

出證治要訣

暴癰

出名醫別錄海藻條

卒癰

見外臺祕要所引集驗方

雙癰

見千金翼方

癰風

見三因方云癰風之症世謂腎臟風

兒癰

見千金方

名醫別錄蜘蛛條云大人小兒癰又外臺祕要所引備急方小兒癰古今錄驗小兒陰癰

本艸綱目桃仁條小兒卵癰又杜父魚條陳藏器云小兒差類差類陰核大小也又食鹽條小兒疝氣并內吊

腎氣日華子本出外臺祕要所引劉氏

小兒胎疝



見資生經。

婦人陰癰。

見本艸綱目。

鯨鯉條引  
梧玄方

千金方及翼方作陰胎。

陰跳狐筋。

並見甲乙經。

內疝。

見養生主論。

聚大聚盛聚瘕聚結聚氣聚六聚瘕大瘕暴瘕氣瘕寒瘕。

伏瘕固瘕產瘕瘕氣結氣冷瘕。

己上皆見癰門此數者畢竟瘕也。

狐疝風頰疝癰疝氣疝盤疝附疝狼疝尸疝石疝血

疝脉疝水疝筋疝偏氣帶鉤鈴妬疝卵癰羞頰偏疝冷疝

腎臟風腸疝木腎氣偏墜氣氣胞水胞陰腫肝氣下部氣

氣結。

己上皆見上肝氣見于後下部氣亦同氣結見于肘後

方。

大略若是皆是華人喜多名之所致而遂反眩惑以為贅  
贅之說張從政之論疝也全是逞臆偏見固不足取且其  
遺溺閉癰陰痿睥精滑白淫皆男子之疝也血涸不月  
月罷腰膝上熱足臂噬乾癰閉少腹有塊或定或移前陰  
突出後陰痔核皆女子之疝也以上諸證豈疝也哉若謂  
因疝為此諸證則可也直謂指此為疝則妄矣又云但女  
子不謂之疝而謂之瘕此亦不詳讀古書之誤也素問云  
有積氣在腹中有厥氣名曰瘕疝女子同法五藏生神農  
成論

本艸以下稱婦人疝瘕者頗多

藁本條婦人疝瘕獨活條  
女子疝瘕衣魚條婦人疝

瘕又名醫別錄乾漆條云女子疝瘕  
又有名未用地朕條云女子陰疝

女子固有疝疾何得

不謂疝乎此亦妄矣且換七疝之目者亦是杜撰之甚也

其稱筋疝者即下疳瘡及淋之事也血疝者便毒也此亦

豈疝也哉若謂二證魚疝則可言也况張文仲云臍下結

痛女人月事不時名曰血疝

見外臺  
秘要

則見從政之解血疝

者全是一己之僻說而非疝之事無復可疑也如李仲梓

辨七疝較優於諸氏



醫宗必讀云內經所謂任脉爲病內結七疝合言疝證之原也所謂衝疝狐疝癰疝厥疝瘕疝瘕疝瘕疝瘕分言七疝之狀也巢氏不能詳考內經原具七疝乃強分厥瘕寒氣盤附狼自附于內經之七疝不亦妄乎空張子和非之曰此俗工所立謬名似矣及其立論但辨陰器與小腸膀胱腎了不相干專屬肝經受病竟不知任脉爲七疝之原亦不知經文自有七疝散見于各論之中又添寒水筋血氣狐癰之七種此其疵謬與巢氏未

有以異也若言疝爲筋病皆挾肝邪則可若言止在厥

陰一經不亦與內經相戾耶且執病在下者引而竭之

不問虛實驟與攻下其禍有不可勝言者豈待下後始

補而可回其生乎瘕與癰同如是則分一證爲二李仲梓其求而不足強填之以合七數何

不加卒○儒門事親云疝本肝經空通勿塞狀疝有七疝乎前人論者甚多非靈樞素問銅人之論余皆

不取非余好異也但要窮其原耳七疝者何寒疝水疝

筋疝血疝氣疝狐疝癰疝是謂七疝俗工不識因立謬

名或曰膀胱或曰腎冷或曰小腸氣小兒曰偏氣立名既謬併失其實又云且夫遺溺閉癰陰痿睪痺精滑白淫皆男子之疝也不可妄歸之腎冷血涸不月月罷腰膝上熱足覺噤乾癰閉少腹有塊或定或移前陰突出



後陰痔核皆女子之疝也。但女子不謂之疝而謂之瘕。又云內經曰木鬱則達之達謂吐也。今條達肝之積本當吐者然觀其病之上下以順為貴。仲景所謂上宜吐下宜瀉者此也。

王肯堂之論疝也懸空捕風之言不過以口舌強解耳若小腸氣是小腸膀胱氣是膀胱則當是腎氣是腎肝氣是肝疝氣是疝何得特云疝氣是肝乎若以經絡言則膀胱固足經尚可言矣小腸是手經何得謂因經絡並而連及乎若然則脾膽胃亦經絡相並何不言疝耶若以相及言則大腸三焦肺心亦當相連及其說之不通如是耶且

引趙以德說亦由無定見也已謂疝專屬任脉而又別立肝氣一目以欲與小腸氣膀胱氣腎氣相同益足以見其迷昧矣。

證治準繩云或問疝病古方有以為小腸氣者有以為膀胱氣者唯子和丹溪專主肝經而言其說不同何以辨之曰小腸氣小腸之病膀胱氣膀胱之病疝氣肝經之病三者自是不一昔人以小腸膀胱氣為疝者誤也小腸氣俗謂之橫弦監弦遠膝走注少腹攻刺而膀胱氣則在毛際之上小腹之分作痛與疝氣之有形如瓜有聲如蛙或上於腹或下於囊者不同也但小腸膀胱因經絡並於厥陰之經所以受病連及於肝則亦下控引羣丸為痛然止是二經之病不可以為疝也又曰任脉是疝病之本源各經是疝病之支流又曰若諸經受



邪不與任脉相干則不名爲疝矣又曰戴人既曰用內經靈樞明堂之論要窮疝病之源而不及於任脉生病之源何也其餘亦皆此類殆厭讀矣其文冗長不暇悉錄詳見證治準繩

張介賓之論疝證而駁張朱戴則較可但未免醫家之言故不可盡取耳

景岳全書云疝氣病者凡小腹羣丸爲腫爲痛止作無時者皆是也但疝證不一又云至若衝疝瘕之屬亦皆男婦之所同病者然唯羣丸之病獨在男子而他則均當詳察也又云今人但言男子之疝而全不知婦人之疝殊失之矣又云疝氣所屬本非一經如內經云云此素問言諸經之疝也又經筋等篇云云此靈樞言諸經之疝也自張子和云云此子和之意以疝爲筋病而筋主於肝故謂疝必厥陰似亦有理而實則不然觀內經

諸論云云然則小腹前陰之經則厥陰少陰太陰陽明少陽太陽以至衝任督脉皆有所涉今考銅人經治疝之法則諸經皆有俞穴若謂止屬厥陰則諸皆可廢矣即子和亦謂諸穴雖亦治疝然終非受疝之地此何說也自後丹溪遂因子和之言謂經有七疝專主肝經與腎經絕無相干再至戴原禮又因丹溪之說云疝本屬厥陰之一經余嘗見俗說小腸膀胱下部氣者皆妄言也嗚呼此等議論皆後學逞億之見果堪信乎果足法乎醫失真傳類多如此故非靈素銅人之言余誠不敢取也

王肯堂李中梓並云往往見人偏患於左丸者則痛多腫少偏於右丸者則痛少腫多此亦非必皆然也

見證治準繩醫宗必讀



按癰即是疔之根也。而兼瘀血爲疣之狀者也。陰囊腫脹。或偏或雙。大小不一。或大如茄。如梨。又大如蹴鞠。如人頭。至大有奇怪可驚者。

京東二條河濱。有一丐者。以大筋爲綽。號邦俗通呼陰囊爲筋即陰筋之陰囊腫脹。大如二三歲兒。屈脚覆臥。箕踞沙地。襤褸蓋覆。誇言以乞米錢。往來衆人擲錢求觀。丐者乃披開示之。覽者皆駭。以爲怪物。又浪華一丐者。陰筋腫大。可二人首許。以布囊盛之。苧繩括之。挂其繩於項以行。

不則甚重。不能數步。巡街叫化。此其最大者。聊記以廣見聞。○按外臺秘要所引集驗方。古今錄驗並云。陰腫大如斗者是已。

又小兒亦有是疾。生來早有。乃父母之遺患耳。又婦人亦有自中年及老年。小腹下陰股上生若疣者。小者如拳。大者如鞠。時時怒張。牽引臍腹疼痛。恰如男子癰怒張。與疔發痛之狀。又聞見輿夫急脚。類足脰有紫赤色筋脉如浮絡。如糾繩。隴起縱橫者。是人曾有苦疔痛。至如是而後宿。



患遂愈

記得有一急步患疝為其貧忍小痛東西奔走日夜不  
懈遂至膀胱紫脉如網聯絡舊疾不發後成金夫於一  
條街貫家高枕事安逸脚膀胱紫絡漸去再苦疝疾小腹  
痛甚終至不起

俗間謂即是寸白蟲也。那寸白蟲錯下足到皮裏膜外被  
迫窄緊此不能上下進退不得止而怒張帶血色也不然  
此乃瘀血之不凝結乎陰囊而到乎足而不動者也。

又有一種俗呼脂脚者其證初發不覺何因而然或一脚  
或兩脚脛腫大不痛不痒行步不妨雖不治療終身無害  
間有腿種者此亦瘀血惡汁之凝結脚部者而與陰癰同  
類不治之疾也王月堂與脚氣同看非也

證治準繩云脚氣兩脚腫滿是為癰疾南方多見兩足  
俱大與疾偕老者初起當以重劑宣通癰滯或砭惡血  
而去其重勢後以藥治

凡已成癰者勿強攻治治亦無益不治亦無甚害如痛甚



用止痛藥痛止則停藥勿復根治。又有陰囊痛大腫赤遂潰出膿者。此是囊癰而非癰。醫書以是證併入陰癰中者亦非也。

三因方云。夫陰癰屬肝。係宗筋。胃陽明養之。世多不識。謂之外腎。非特名義差錯。亦使內臟不分。其可不辨。古方雖出四證。但曰腸癰。氣癰。水癰。卵脹。殊不別其所因。如腸癰則因房室過度。元臟虛冷。腸邊繫不收。墜入癰中。上下無定。謂之腸癰。屬不外因。病者久畜憂思。

恐怒兼并。隨臟氣下墜。陰癰腫脹急痛。名曰氣癰。屬內所因。病者久坐冷濕。濕氣下襲。致陰腫脹。名曰水癰。屬外所因。病者勞役無節。及跨馬坐車。致卵核腫脹。或偏有大小。上下無常。名曰卵脹。亦屬不外因。有小兒生來便如此者。乃宿疾也。卵脹腸癰皆難治。氣癰水癰治之易愈。又寒疝下注。入于癰中。名爲狐疝。亦屬癰病。世人因此並以癰病爲疝。氣不審之甚。婦人陰門挺出。亦稱癰病。名義不分。有如此者。陳言指陰囊直稱癰者誤也又云。凡癰



病唯腸癰無問貴賤多有之有睡卧營系延入脇下者  
有墜入囊中者或遇疲勞及天色變動逼上囊根腫急  
作痛過於寒疝得暖則下其如卵脹有作熱生膿為癰  
潰爛者比比有之此乃向所謂囊癰而非疝也非特陳  
言有是誤諸醫流皆然不足深責也  
按靈樞云腰脊者身之大關節也肢脛者人之管以趨翔  
也莖垂者身中之機陰精之候津液之道也故飲食不節  
喜怒不時津液內溢乃下留於臑血道不通日大不休俛  
仰不便趨翔不能此病榮然有水不上不下鉅石所取形

不可匿常不得蔽

刺節真邪篇

此說陰囊所以大之由也蓋為

不得其說強以津液內溜為解非也

附字辨疝說文云腹痛也字彙云陰病正字通云腎病又

字彙正字通康熙字典並引釋名心痛曰疝疝說也氣說

說然上入而痛也俱不盡疝疾狀蓋疝以疼痛壅塞控引

攣急為其首候又上衝心胃下走腿膝出於表入於裏縱

橫無方變化無窮固不一義而足矣故諸韻書說皆不得

盡世俗以氣積如山為解者亦幾乎陋又醫家者流通以

予余聲言

疝

二十

一林堂藏書



仙韻呼之甚非也。百年來慣誦聲習，殆至難改正。讀本韻反誤聽聞，可勝嘆哉。癩與癩同，謂陰囊腫大為癩。按素問靈樞癩癧通書，無別故字。彙癩下云：同癧癧下云：徒回切。音頽。陰病但稱陰，病未盡癩狀。正字通反以字彙為非者，誤也。又作瘰癧。瘰，正字通。又為癧，與瘰癧同也。未知是否。又按說文：瘰，疔痛，亦非。劉熙釋名云：陰腫曰瘰，氣下瘰也。又曰：疔亦言說也。說引小腹急痛也。據此，則瘰亦與癧通。但醫書未見用瘰字。

錄補曾記有保井宗春者，年已七十矣。自壯患疔，久為滯疾。方其平常無事之日，有人推背，則忽自腹裏發大噫，可驚。再推再噫，三推三噫，連續推之，亦無不連續噫。不唯背已，或肩或腰或脇或脊，亦莫不皆然。又肘、臑、腿、膝時偶輕打，則亦間有發大噫。若噫則其人大呼快哉，豁然。此由腹裏常有空氣，隨推打乃發為噫耶。抑由疔氣為推打所動，俄然生空氣，乃以發噫耶。推打與噫同時齊出，間不容髮。奇哉，可怪。此亦疔之異證也。故書以示諸子弟。



一本堂行餘醫言卷之三畢

